



UNIVERSITÄTS-  
BIBLIOTHEK  
PADERBORN

**Cogitationes, Sive Considerationes Christianae Pro  
singulis Anni diebus**

Complectens Octobrem, Novembrem, Decembrem

**Nepveu, François**

**Monachii, 1709**

Dies 11. De otio.

---

[urn:nbn:de:hbz:466:1-60533](#)

November sunt, quique ipsos olim opprobriis æternis  
obruent, nisi hanc infelicitatem pœnitentiâ prævertant. Ah! Domine, averte à  
me tam enormem cæcitatem.

*Statue nunquam loqui de peccato libidinis,  
vel certè cum honore de eo loqui.*

Fornicatio aurem, aut omnis immundicia  
ne nominetur in vobis, sicut decet san-  
ctos. *Ephes. 5. 3.*

Fiunt & miseris religiosa delicta, dum  
deos suos, quos venerantur, imitantur.  
*Cyprian.*

## DIES XI.

### De Otio.

#### I.

**O**Tium nobis vitandum, & labor am-  
plectendus, ut sarciamus malum, quod  
fecimus. Homini in statu etiam innocen-  
tiæ otioso esse non licuit. Quietè qui-  
dem gaudere debebat; sed quiete, quæ a-  
ctionem non excluderet, imò laborem ali-  
quem exigere; is laborasset, sed absque  
fatigatione: & labor fuisset occupatio,  
omni difficultate immunis. Ut primùm  
*Gen. 3. v. 19.* verò peccatum admisit, Deus eum ad la-  
borem condemnavit difficilem: *in sudore  
vul-*

vultus tui, dicit ei Dominus, vesceris pane *November* tuo. Simul ac noxæ reum se fecit, ad pœnitentiam condemnatus est, sed esse poenitens non potuit, quin labori sese subiiceret. SS. Patres pœnitentiam appellavere Baptismum laboriosum: nihilominus gravissimorum scelerum rei omnium sunt otiosissimi; quia in peccati perseverantia sunt obstinati. Et hæc eorum obstinatio ipsos reddit otiosos: quemadmodum verò otium ipsis vitiorum est occasio, sic ipsos ad pœnitentiam incitare deberet. Si dolore de peccatis suis tangerentur, tum pœnitentiae suæ labores strenuè amplecterentur: at, cùm peccatis immersi simul, & rebelles sint, subducere se volunt sententiæ, quam Deus adversus ipsos in Adami persona tulit.

II. Vitandum nobis otium, ut evitemus mala, quæ facere possumus. Otium omnium viriorum Mater est, & Magistra, inquit Spiritus sanctus; multam enim malitiam docuit otiositas. Homo, qui non habet quod agat, omnia potest agere. Homini occupato non nisi unica tentatio est meruenda; cùm otiosus omnibus obnoxius sit. Dæmon mille habet ansas, quibus eum invadat, cùm ille nullam habeat, quâ se defendat. Homo otiosus expositus est

*Eccli. 33. 29*

K 4                  omui-

**November.** omnibus diaboli astutijs, quin ulla ei in iritum cadat; itaque optimum remedium, quod homini, præsertim à libidine tentatodari potest, est multum se occupare. Otiū omnes virtutes pellit; possuntne ex absque labore acquiri? aditum in cor vietijs omnibus aperit. Homo otiosus non raro abominabilis, & inutilis homo est, inquit Job. Scriptura afferit, quod hæc fuit iniquitas Sodomæ, saturitas panis, & abundantia, & otium ipsius. Otium Davidis ansam præbet obtutui inconsiderato; & hic obtutus incautus adulterio. Quænam causa est perversitatis tot juvenum? ipsorum otium: occupa illos, tum infantes erunt.

III. Otium nobis fugiendum, ut bonum, ad quod obligamur, faciamus: tam multa nobis obeunda incumbunt munera, ut ij, qui eorum multitudinem, & momentum nōrunt, nihil querantur, nisi tempore se destitui: ij, qui tempore abundant, munera sua vel ignorant, vel eorum curam habere negligunt. Si officijs statu nostro proprijs satisfacere velimus, an nobis occupatio deerit? si vir aliquis officium aliud non haberet; si mulieri alia non suppetaret occupatio, præter familiæ suæ curam, liberorum suorum educationem, præter assiduam super domesticos suos vigi-

lan.

*Iob. 15. 19.**Ezech. 16.*

42.

Iantiam, haberetne otio indulgendi tem- November.  
pus, si omnibus muneris sui partibus satis-  
facere vellent? at quantam nos occupandi  
ansam nobis officium Christiani suggesteret,  
si munus hoc ritè obire velimus? qua ra-  
tione mulier aliqua nobilis otiosa esse po-  
test; quasi nihil habeat, quod agat? potest-  
ne dicere, laboris nihil sibi suppetere; cùm  
tamen tot inveniantur miseri, quos con-  
soletur, tot verecundi pauperes, vel ægri,  
quos sublevet, tot captivi, quos visitet?  
Christus Servator noster, cuius iij membra  
sunt derelicta, altaria, nudata, ipsius o-  
pem implorant, laborem exigunt. Et  
illa nihil habeat, quod agat?

*Statue, nunquam otio te dedere. Si fatiga-  
tus es à precibus, lege: si fessus es à lectione, la-  
bora; & sic evitabis otium, & fastidium.*

Multam enim malitiam docuit otiosi-  
tas. *Eccli. 33. v. 24.*

Facite semper aliquid operis, ut te sem-  
per diabolus inveniat occupatum. *Hieron.*

